

南皮張宮保政書

一函
六冊

奏議初編卷三

特參文武員弁摺

奏爲特參疏防不力文武員弁請

旨分別議處留緝摘頂以示懲儆仰祈

聖鑒事竊查接管卷內沁

源縣知縣董餘三詳報光緒七年十月初七日該縣衙署被賊越牆進內撬門入室竊去銀物逃逸經兵丁姚在丹追捕被該盜犯用鐵尺拒斃斃命經前撫臣批飭嚴緝未獲董餘三旋經郵事移交署沁源縣知縣程宏繼接緝迄未弋獲又據黎城縣知縣董慶咸詳報光緒八年十二月初四日夜該縣衙署被賊越牆進內家丁楊喜喊捕賊卽施放洋槍將楊喜轟斃撞門入室刳取銀物逃逸又據臨汾縣知縣李榮和先後詳報本年正月念五日夜縣屬賈莊張萬洪家被賊撞門入室刳去衣服首飾拒傷事主張萬洪霍景洮逃逸本年正月二十八日夜縣屬刁家莊王金盛家被賊越牆進院撞門入室刳去衣服首飾拒傷事主王金盛王三魁逃逸三月二十四日夜縣城東關德昌合錢鋪被賊撬門入鋪臨時行強刳去銀錢等物逃逸又據署岳陽縣知縣李士珍稟報本年二月初二日夜縣屬孫寨村孫維祖家被賊三十餘人用石撞門入室刳去銀錢衣飾逃逸又據調署稷山縣知縣馬鑑稟報本年三月初四日夜城內永裕公錢鋪被賊擁入鋪內刳去服物拒傷鋪夥三人並追捕勇丁二人逃逸各等情臣查沁源縣盜入官署雖尚未至行強然拒斃官兵案情頗重黎城縣刳署殺人均至今賊未獲臨汾縣於兩月之內迭出劫案三起關廟亦遭盜刳岳陽縣孫維祖家刳至三十餘人

贓物甚鉅稷山縣城內錢鋪被劫贓逾千兩事主巡勇被傷該地方文武員弁事前既疎於防範一任盜賊橫
行事後又未能跟蹤緝拿破獲全案捕務官屬廢弛臨汾縣張萬洪王金盛家被劫兩案直至一月有餘該縣
協同洪洞縣獲盜七名之後始具報殊屬遲延德昌合被劫之案具報雖未遲延至今未獲一盜竊惟晉省惟
北路口內各屬漸就清謐而口外劫案未絕南路盜風尤熾沁源黎城臨汾等縣外上年十月尚有屯留縣衙
署被賊十人臨時行強劫去銀物一案已於限內獲盜五名兼獲盜首現正擬辦其餘鄉鎮行旅搶劫之案批
飭勒緝照例屆限再行核辦者尙有多起人數皆不甚少大率咸有洋槍且有至今尙未報到者更難保無諱
匿情事現經臣迭次檄飭催辦保甲講求緝捕嚴查諱盜若不從嚴示懲不足以儆玩愒除屯留縣應免查參
外至現署榮河縣沁源縣知縣董餘三接署沁源縣知縣程宏繼均未便因原案未至行強遂置拒斃官兵盜
匪無獲於不問臨汾縣知縣李榮和先已調署洪洞縣知縣未便因協獲兩案盜犯違併具報遲延暨關鄉被
劫之案亦予從寬前署岳陽縣知縣李士珍先經調省交卸亦未便因甫經離任令其置身事外據藩臬兩司
詳揭請參前來相應請

旨將現署榮和縣沁源縣知縣董餘三接署沁源縣知縣程宏繼黎城縣知縣董
慶咸交卸臨汾縣知縣現署洪洞縣知縣李榮和均先行交部議處前署岳陽縣知縣李士珍摘去頂戴仍留
於岳陽縣地方責令協同接任之員一體勒緝調署稷山縣知縣馬鑑沁源汛外委姚樂善黎城汛外委郭華
平陽營把總楊幸喜岳陽汛外委賈春華稷山汛外委武占鰲均摘去頂戴仍勒限兩個月嚴緝賊務獲究

辦局限不獲再行從嚴參辦再治盜一事專責本在臬司而當盜夥衆多之時得力兼在將弁至於隨時督察耳目較近分任尤在各道向來積習往往以盜案開參不過下僚未弁身當其咎而大員殊無大損遂覺蕭然無與置身事外若容此日之尸素必釀將來之亂階現經臣分別移行大同太原兩鎮臬司各道諄切嚴飭各懷責成加意巡緝如一任盜賊橫行不能督捕甚至有司諱匿不能舉發卽於照例題參疏防之外將該臬司鎮道先行專摺從嚴奏効俾其提挈綱領各盡職司其府廳州縣營汛如所屬境內盜劫頻聞案情重大緝捕不力亦當於照例題參疏防之外從嚴糾參理合繕摺具 奏伏乞 皇太后 皇上聖鑒謹 奏

會請開復各生衣頂摺

奏爲誤考文生懇

恩分別准其原名應試給予衣頂仰祈

聖鑒事竊查晉省光緒三四兩年誤考各

生業經前學臣王仁堪於上年六月附 奏懇

恩准予開復奉

旨著照所請該部知道欽此茲臣鳳

岐接任考試以來據平陽汾州蒲州絳州霍州隰州等屬生員復以汾州誤考係在光緒五年其餘六屬

均係六年因逃荒未歸臨場除名向臣之詞臣鳳岐等紛紛籲懇 奏請開復前來當以光緒三四兩年他府

州誤考各生已蒙

殊恩准予開復若疊次

奏請未免漫無限制批駁未准惟查平蒲絳絳霍隰各府州

於通省中被災爲最重係於光緒三年夏季以前歲考彼時災象初成各該生恪守

功令猶能勉強赴試

夏秋後生機日感流離轉徙覓食他鄉漸至親族罕在田業皆空邦族難復歸去無計致誤六年歲考是該生

等誤考雖在光緒六年歲事漸轉之時而其逃荒遠出實在光緒三年災祲方殷之際祇以輪考年分稍遲以致被災最重之區轉未得一律仰沐 恩施其情亦殊可憫况晉省邇來文風不振宿學益稀災後童試人

數甚屬寥寥往往有一縣童生之數僅多於學額二三名四五名者其間乃是勉強充數於是粗通章句便作青衿輾轉流傳愈趨愈下宿儒鄉老羣以爲憂現經臣等極力籌議培養之法仍恐驟難取效惟有請將光緒五六年誤考各文生准以原名應試俾令仍得進取稍爲後學楷式較之童幼淺學徼倖濫竽者自必加之數等造就較易爲功其年逾六旬不願再試者從寬給予衣頂如此則於體恤孤寒之中兼有振興學校之道與臣之洞往復相商意見相同合無仰懇 天恩 俯准將光緒五六年平陽汾州蒲州三府解絳霍隰四

州學誤考文生仍以原名應試六旬以外者從寬給予衣頂出自逾格 鴻施其該七府州誤考武生應無

庸議是否有當謹合詞繕摺具 奏伏乞 皇太后 皇上聖鑒謹 奏

請變通補缺章程摺

奏爲知縣外補壅塞懇 恩量予變通以昭平允仰祈 聖鑒事竊臣接准吏部咨議覆前給事中戈靖

尊條奏內開嗣後各省知縣參革一項缺出概令歸部銓選並將知縣終養與降補二項所出之缺暨修墓等項比照終養之缺一併改歸內選不得扣留外補等因奏准通行自應遵照辦理惟查定例知縣班內卽用候補兩項遇有升調病故休所遺選缺各按輪次敘補又知縣終養改教撤回降補迴避遺缺以卽用候補兩班

相間酌補又知縣丁憂參革遺缺端以軍功候補人員酌補原以卽用候補兩項班次再優軍功人員勞績最著而卽用候補軍功各班人數亦最多是以較各項試用人員於輪補外更有酌補專補之缺原所以區別而優異之也溯自軍興捐廣捐保人員接踵而至而卽用大挑人員各班故自簽發如期近年因疏通選法各優貢截取孝廉方正教習教職各班復皆得呈請分發班次愈多輪補愈滿升調兩項爲各班輪補之途晉省缺少人稠數十年尙未一轉其中卽用候補兩項自光緒四年七月分班請補以後非數年數十年不能輪到病故休三項每年雖出數缺然以卽用大挑候補三項並正班之員及分缺先分缺間前挨班序補卽用候補所得不過十之一二歷年以來惟恃有終養等五項雜缺藉以疏通至軍功一班以丁憂參革之缺併歸此班專補自同治七年部議將丁憂一項擬歸部選後缺數已去其半茲以疏通選班續將專補軍功之參革並卽用候補應補之終養降調修墓等項之缺一併改歸內選則外省卽用之補班益隘而候補軍功之補班殆將無期矣在部臣所議以降補參革終養修墓數項擬歸內選以撤回改教迴避數項留爲外補似欲使內外各得其平無可畸重然撤回與修墓較則修墓略少撤回略多降補參革終養與改教迴避較則降革終養出缺甚多而改教迴避者往往經年無一爲用意雖欲持平核實大形軒輊方今捐例甫罷需項仍多竊惟吏部古號銓曹今日亦言銓選銓者稱也謂立法量才各稱之平也臣愚以爲外補難則害官方內選滯則困寒峻選補並重斯爲大公且卽用一班乃國家取士掄才爲民社擇人之上選軍功候補兩途皆由歷練辛苦而得

濫竽雖不能免每自幹練爲多若事急則優其階資時平則扼其仕進亦無以昭大信而勸將來因查保升捐
升及大計參劾本爲內選之班升調病故休本爲外補之班均可無庸更議其餘外出之丁憂參革終養降補
修墓葬親撤回改教迴避各缺擬請統改爲一咨一留於咨報開缺時隨案聲明再行照例截缺自可無虞腹
萬即使一時一項略有出缺多寡之不同而選補各不偏枯自無缺望既以昭平允之定法亦以示易簡之宏
綱其遇留歸外補之缺按班請補一如舊例無庸更張合無仰懇 天恩俯准 飭部核議施行是否有當

伏乞

皇太后

皇上聖鑒謹 奏

謹陳管見片

再知縣丁憂起復選缺極難是以官建議部臣改章查此項人員以禮去官非有過謫考之漢魏以來棄官
行服者史冊稱美今若如吏部所稱應補者册逾百員百年不能選舉則是一遭大故永遠沈淪謹厚者自無
怨尤澆漓者競出取巧現經部議增入單月五缺後插選一條具見力籌疏通特插選有限終無大益竊思外
省丁憂起復人員自以仍回原省歸候補班序補毋庸另捐分發指省補班加成各銀於理爲長於事爲順雖
非舊例所有當此選法壅遏 廟堂百司事事整飭何不可因時變通至於戶部所慮免交銀兩有碍常捐是
則同一無過之官有用之才有力者進用清貧者投閑似尙未極平允我

皇太后

皇上

聖政卓越知必不惜此區區也大抵外省牧令奇士罕觀中材居多要在洞悉一方民情多識本省成案

則駕輕就熟其信易乎其政易成古語有之大巧結於熟習若起復者仍歸原省候補於吏治亦有裨益夫捐有限之常捐而可以全無窮之政體此亦厚風俗惜人才之一道也且原係此省有缺之員即使得缺甚易同僚不得而忌之如此全歸外補不占選缺於他項選班疏通多矣此外由府州下至佐雜事理相同似亦可類推酌議謹附陳管見伏乞

聖鑒

敕部議覆施行謹 奏

委大員勘議邊外各廳片

再晉省口外七廳現值改章之初正宜大加整飭其豐寧兩廳勘辦官荒尚未竣事必須派大員親歷邊地體察籌度方臻妥習查按察使奎斌前經臣奏派督辦豐寧官荒升科事宜到晉以後臣與之討論邊事極為諳習切要以後整頓邊務卽責成該臬司籌畫經理除檄委該臬司於八月初一日帶印出省前赴邊外各廳查勘籌議外理合附陳伏祈

聖鑒謹 奏

籌濟順直災賑摺

奏爲籌濟順直災賑仰祈

聖鑒事竊惟順天直隸各屬水潦爲災恭閱邸抄八月初四日奉

上諭李

鴻章等奏順直災區甚廣賑需所短甚鉅着照所請等因欽此八月十四日奉

上諭前因順天直隸所屬

各州縣本年被水成災迭經降旨撥給漕米庫銀以資賑濟等因欽此是順直災區待賑孔亟仰蒙

皇

太后 皇上醴恩迭沛

宵旰憂勞甚至省

宸御之常供拯饑溺之殘喘節儉愛民如此此誠曠古

未有之

聖德深仁薄海同欽惟有頂祝凡在臣子但有可籌措之處更應共體時艱查晉省前遭大祲籌

軍籌賑得直省協助之力居多復遵

旨於練餉海防經費內籌濟賑需以及官民捐助統計三十五萬餘

金今順直橫流氾濫爲數十年未有之災漂蕩流離情形慘切前以山東河決經臣奏明籌賑協濟況今事在

京畿關繫根本順天府府尹臣周家楨飛函各省告急論固本之義報施之情救災之道均屬不容膜視晉

省素本貧乏又值甫籌東賑之後用款支絀然值此時會若不能體

如天之盛德念卹帑之艱難竭

力籌濟爲疆臣者何以自安當卽督同司道於善後款內節省騰挪籌動銀二萬四千兩臣復倡捐銀二千兩

布政使易佩紳捐銀五百兩按察使奎斌捐銀六百兩署太原鎮總兵何鳴高捐銀五百兩冀寧道左鵠新授

河東道高崇基廣東高廉道李秉衡太原府知府馬丕瑤各捐銀三百兩並此外順直旗奉籍各官捐款通計

捐集銀一萬六千兩奏通判吉昌管解於八月二十一起程解赴順天府衙門交收以便順直兩處各半分

用臣前次捐助東賑仰蒙

勅部優叙實覺悚惶難安此次捐助順直賑款臣籍直隸猶屬義所當爲斷不

敢再邀議叙並據各員合詞懇懇前來合無仰懇

聖明俯如所請庶臣等愚忱得以少安所有籌款捐資

解濟順直緣由理合開繕清單恭摺具奏伏乞

皇太后

皇上聖鑒謹奏

請緩換防官兵起程片

再臣欽奉

寄諭軍臺各屬亢旱成災差徭難以供應所有此次前赴塔城換防大同官兵著張之洞飭令

改由嘉峪關行走以紓臺力等因欽此伏查此項調防官兵自上年十二月二十四日齊集天鎮縣當經飭司發給駐候口糧並行裝裹帶等銀一切軍裝器械正擬起程適准察哈爾都統知會臺站被災俟設法疏通再令前進是以駐候至今現經該都統 奏奉 諭旨改道行走自應遵辦惟查塔城換防官兵定例由甘肅

調派因甘肅不靖經塔爾巴哈臺參贊大臣英廉於同治十二年始 奏請暫調宣大官兵此為晉兵換防第二次故向無行走關隴成案合計此項官兵餘丁共三百數十員名取道阿爾臺軍臺則駝馬取給各站道里雖遙方向直捷行期尙不甚久若令折而南下歷太原西安北趨蘭州出嘉峪關輾轉赴塔道途紆回倍於臺路到防須至明年二月且近日甘肅關內外章程各路征兵車輛駝馬均由本營自備地方絕不供支不惟自顧之費太多更恐西域荒涼孤軍遠涉又不值設立糧臺運局車腳無從雇備覓食亦復艱難將致中途跋蹇聞蒙部已經得兩軍站可望漸通似不若暫為停待將來仍由臺站行走既省經費兼可較速況臺路阻滯赴防者既不能往則罷戍者亦不能歸於塔城需用並無損益臣已飛咨察哈爾都統一俟臺站疏通即行知照調發一面行知大同鎮總兵張樹屏轉飭營歸原伍以前候口糧按日給發截至回營之日止行裝裹帶等銀繳存大同府庫起程時再行具領據清源局司道詳請具奏前來除分別移行遵照外理合附片具陳伏乞

聖鑒謹 奏

各員捐修貢院片

再葆亨在晉之日政事昏荒廉隅蕩盡其時通省屬官上行下效營私趨利舉國若狂一切工程局用薪水津貼不免糜費濫支衆濁獨清之士殆不多覩自臣効治葆亨王定安以後是非大明從前各員除參故離省外其在晉者皆漸覺心地清明慚悚追恨茲據各該員等道府同通州縣佐雜三十餘人稟稱晉省現在籌辦賈臨工程情願公捐銀二萬兩以助工需查貢院舊規狹陋年久坍塌甚多去年鄉試迫促略加修葺今尚有外籓各所及東北西南兩隅展拓地基添建屋宇等工亟須一律營繕正苦籌款爲難現經各該員將捐項如數措齊呈交由清源局司道轉據太原府查收詳報前來尙見能知愧悔相應附片奏明並懇 聖恩寬大免將銜名開列庶以全其廉恥開其自新此項貢院捐款不請獎叙當於工竣時咨部存案應請免其造冊報銷伏祈 聖鑒謹 奏

請緩查閱營伍片

再准兵部咨光緒九年二月十五日奉 上諭本年輪應查閱直隸山西陝西四川甘肅五省營伍之期山西卽派張之洞逐一查閱如有訓練不精軍實不齊者將廢弛之將弁據實奏參等因欽此查晉省丁戊之間兵丁死於饑者甚多幾至無人應募近年雖已募補不免貧困危瀕技藝生疏現經嚴申戒煙之令陸續汰換驟難精強軍實敝壞無款修理惟撫標精兵營練軍暨大同鎮練軍兩枝軍容稍有可觀此外各營路非不多方申敝終爲餉力所困方今民力困於差徭吏道期於安靜若循例出省查閱徒多紛擾無益戎行誠恐不足

以仰副 聖上整軍經武之至意擬俟明年春夏間口外七廳改制規模已立練軍亦漸推廣整飭臣卽先赴北路出邊一行既察邊情兼核軍實再俟河東鹽務整頓漸有起色卽當親赴南路以閱伍而兼巡鹽屆時再當奏 聞至光緒三年分八月分兩次展緩軍政經當併案辦理如有衰庸不職之將弁仍當隨時考察參劾理合附片陳明伏乞 聖鑒謹 奏

條陳未盡事宜摺

奏爲晉邊七廳改制應議未盡事宜分條繕單仰祈 聖鑒事竊臣前以山西口外七廳今昔治理不同奏請將七廳理事廳員仿照直隸成案酌改撫民兼理事要缺以修邊政奉 旨該部議具奏欽此旋經吏

部會同各衙門奏准咨覆令將一切未盡事宜詳細妥議奏明辦理等因臣查歸化等七廳宣震屏藩漢南重鎮幅員荒闊民蒙雜居僑戶通糧糴稱難治去省遼遠吏治不修近年以遊勇馬賊之擾掠河界地租之鬥爭奸商土猾之撓亂風氣囂然隱患漸伏而且旗屬多有教堂歸化新通商路地形益冲事體益煩仰蒙 聖

明 鑒察邊情

俯如所請准將原設七廳理事通同改爲撫民滿漢統用所有未盡各事宜經臣督同

藩臬兩司歸綏屬平兩道悉心籌議如分別缺項定章補署更設管轄藩築城垣編立戶籍清理田賦建設學校暨通驛路籌補遺糧添設公費募練捕兵議定巡牧分列十二條皆爲目前切要之圖謹繕清單奏陳伏乞

皇太后

皇上聖鑒

敕部迅速核議施行謹奏

籌款捐資協濟賑務摺

奏爲籌款捐資協濟山東賑務以廣

皇仁而顧大局仰祈

聖鑒事竊查山東河決爲災經年未塞本

年夏間又決數口汎濫數百里災民數十萬流離昏墊慘不可言屢奉

恩旨頒發部帑截留京餉江漕多

方拯救海內臣民同深欽感惟橫流太廣窮黎太多山東本省方汲汲於疏濬宣防工需浩大屢見山東撫臣

陳士杰等奏報工費尙無所出賑款自更爲難迭經東省人士布告各省乞糴呼援情詞痛切四川督臣丁寶

楨亦經捐集鉅款奏明解濟溯查山西前當丁戊大饑之際山東大吏羣僉仰稟

宸謨顧念大局若借撥

漕倉借撥藩道運庫折解轉齎協濟賑需協撥兵餉以及官員紳民捐輸之屬通計公私濟助凡四十三萬餘

兩全活蒼民無算竊維天災流行代有考之經傳晉饑秦輸之粟秦饑晉閉之糴背施幸災春秋惡之書爲爛

戒今山東重罹河患度支竭蹶災不可忍惠不可亡況流民失業嘯聚爲非勢將轉徙河淮紛紜畿甸近聞災

民流至河南衛輝境內頗多已在山西境外徙薪曲突尤爲大局所關晉省雖甚支絀特轍之山東尙有緩急

之分誼不當膜視事外視同秦越查晉省善後一項尙有餘存此款本自各省協濟助捐而來以受爲施正爲

允當當與司道等籌議卽於善後款下動撥銀三萬兩馳解山東以資賑撫上爲

聖主廣拯溺之

鴻

慈下爲山西民人報施救患以弭災沴而延豐年現據司局詳報委同知丁啟宇管解於七月初六日起程維

時通商各官聞卽東災情形同聲憫念多願捐資助賑由臣倡捐銀二千兩學臣昂鳳岐捐銀四百兩布政使

易佩紳捐銀一千兩按察使奎斌捐銀八百兩冀寧道左焦捐銀六百兩補用道高崇基捐銀三百兩廣東高廉道李秉衡捐銀三百兩並此外通省山東籍非山東籍各官捐款通計共捐集銀二萬二千三百兩一併搭解山東應用另繕清單恭呈 御覽至此次捐賑臣受 恩優渥捐數幾微誼不敢仰邀議敘其餘各員均係出於至誠合詞堅稱不敢仰邀議敘情詞真切合無仰懇 聖明鑒其急公好善之忱自臣以下均無庸給予議敘以獎其誠不勝悚切之至所有籌款捐資協濟東賑緣由理合恭摺具奏伏乞 皇太后

皇上聖鑒謹 奏

票商隱匿賑款勒繳定擬摺

奏爲查出票商隱匿賑捐鉅款勒繳全完比例定擬奏請 聖鑒事竊臣飭派清源局司道清理庫款經該局委員等查出光緒五年兩湖賑捐局解晉捐款短收第二十七批銀一萬兩來文與庫簿不符不勝駭異當經嚴飭司道局員調齊檔案詳細勾考將善後新捐兩局書吏人等並提經手此批匯兌之巨興源票商賈世沅車躍龍一併發交太原府飭該司道督同審究並傳當日局員一同質訊彼此推賴狡展紛紜數目毫無端倪未能定讞經臣親提研鞫賈世沅等理屈辭窮始據供認隱匿此項屬實緣賈世沅車躍龍均籍隸陽曲縣在省城巨興源票號幫夥光緒五年間兩湖辦理晉捐由平遙縣祁縣各票商分批匯兌彼時司庫新舊借用各票商放賑銀十九萬兩議於匯款內先令坐扣三成及匯項漸多復令盡數坐扣統由平遙縣承總結算是

年五月祁縣三晉源號匯到兩湖第二十七批捐款五月十五日期票銀一萬兩坐扣三千兩以七千兩轉託巨興源代交已革藩司葆亨因甫有儘數坐扣新章令車躍龍將交代之銀發回還欠當時各省捐款由各該局端差先將匯票寄到葆亨皆將匯票即存內宅並不交局交庫俟商至期交銀再行割庫兌收此項匯票當即令其門丁楊清如掣給車躍龍攜回既不告知善後局立案亦不札知平遙縣扣除欠款嗣因各票商借款均在平遙縣別號匯項內扣清三晉源因將前次重扣之銀三千兩仍交巨興源退還藩庫該鋪隨先將所掣匯票寄還三晉源鋪帳車躍龍積慣出入司局多識官吏深知款項紛歧公事淆闇有機可乘當將兩次銀共一萬兩暫存該鋪期望時局催問則仍還司庫不問則聊資周轉屢至藩署門房探聽無人憶及此項借款既經在平遙別項扣清此票現銀仍須向巨興源索回收庫葆亨旋即罷斥官員亦多更換以爲無所查考已故鋪夥王鑑起意隱昧遂商允賈世沅車躍龍三人依分詆臣覆加查驗匯票上捏寫交庫日期字跡與該鋪浮記帳簿水牌與三晉源來往帳目一一符合並究出刺探庫吏收數及囑托別號代爲容隱各情指證確鑿賈世沅等俯首無詞情願全數繳出案無遁飾應即擬結經太原府擬議由藩臬兩司覆核並聲明賈世沅等將盜用銀一萬兩已於一年限內完清光緒九年九月二十八日收庫會詳前來查商人僱用匯兌捐項律無專條此案賈世沅車躍龍聽從王鑑將三晉源托付代交藩庫匯兌捐項起意隱昧分用厥罪惟均其匯款係交庫公項即屬在官財物尚未交庫卽有守掌之責該犯等商同侵欺限內完贖自應比例問擬除王鑑業經病

故外賈世沅革去從九品職銜與車輿籠均比依官物當付給與人已出倉庫而未給但有人守責在官若有侵欺者計贓以監守自盜論監守盜倉庫錢糧不分首從併贓論罪一千兩以上斬監候一年限內全完減二等發落杖一百徒三年例各擬杖一百徒三年已革藩司葆亨於解到捐款匯票並不存局存庫聖給商號匯票退還原銀又不由局員庫官傳知飭局立案任意出納茫不省記以致漫無稽考奸商生心隱匿銀款實屬昏憤離奇罕見罕聞業經另案追戍應毋庸議善後新捐兩局提調以下各員於兩湖匯款不符未能覺察實屬疏忽惟當時欠項則新舊錯雜折扣則章程屢改匯票則藩司自存聖給時並未傳知該局且局員屢有更易事非一手疏漏有因而此項究出短收隱匿情弊仍係該局員等推究查出卽與自行檢舉無異所有善後新捐兩局委員除承辦此項捐案之善後局員直隸州知州陳本業經奏革職新捐局員知縣張文林業經奏參降調外其隨同畫稿各員應請從寬免議善後局書吏賈儼等於簿籍數目不能核對明確惟大小委員尙且不能覺察書吏更無足深責且於發審時亦已屢受刑責應免重科除將該犯等所繳銀兩已飭司歸入善後正款以待原數外理合繕摺具奏並將全案供招咨部備查伏祈

皇太后

皇上聖鑒謹奏

年例應解物料變通辦理摺

奏爲晉省年例應解物料欠鉅累深擬請將綢緞兩宗新陳並解鐵絹紙三宗免陳解新以肅庫帑而恤官民仰祈 聖鑒事竊惟晉省額解之物其大端有五曰鐵曰綢曰絹曰紙曰磁每年例解平鐵一批共八萬四

百九十八斤好鐵四批共二十萬斤大潞綢一批共三十疋小潞綢一批共五十疋農桑絹一批共三百疋生
素絹四批共一千二百疋過閭加四十疋呈文紙一批共四萬張毛頭紙一批共一萬張硫磺一批共十萬斤
各項物價運腳例皆動支地丁然價腳之不敷者數倍例款有限各官攤捐不敷行戶幫貼雖煩費官民苦
之臣於上年六月具疏陳晉省苦累情形請免攤捐並請將平好鐵一項議給津貼均蒙 恩旨允准在

案至綢紙三項前請折價解部經戶部工部內務府議覆仍令照舊造辦並准工部迭次催解硫磺前來查以
上各宗物料在物產豐盈之時價廉之省尙以勞費無度以致累年均有積欠大祇以後官吏工商無不大困
欠解愈多自臣抵省極力經營籌款設專局選擇廉幹之員釐剔弊端盡除冗費甘爲怨府力任其難計自上
年正月至本年十一月共籌解平鐵二批好鐵十六批大潞綢二批小潞綢二批農桑絹二批生素絹八批呈
文紙二批毛頭紙三批硫磺三批除臣任內兩年所解已足兩年之數外並爲補解鐵磺紙十批論晉省之物
力實已竭盡無餘通計從前積欠截至光緒九年除戶部議免光緒三四五等平好鐵十五批外尙有未解平
鐵一批好鐵四十四批大潞綢四批小潞綢四批農桑絹十一批生素絹三十二批呈文紙六批毛頭紙十三
批硫磺三批就此欠數合而計之例價例腳之應動地丁者共需銀十萬六千六百餘兩帶價帶腳之應出
攤捐者共需銀三十萬七千六百餘兩若必一一補解不惟攤捐已甚需費無從取辦卽例應正動地丁之款
爲數已逾十萬俾儲未免大傷伏思以上數端但使年額無虧自可不闕於用而各物又皆由庫款購辦而來